

EXERCITATIO AC  
DE  
FLACIAN

*Quam*  
in Jubilæi Academ  
*d. 2. Februarii & seqq. celeb*

PRÆSIDENTE

VIRO

*Plurimum Reverent*

*Excellentissimo*

DN. JOHANNES

GERHARDO, SS. T.

Patrono ac Fautore suo filiali  
nùm prosequendo

*Publicè ventilandam e*

M. CHRISTOPHORUM

Löber / Vinariensis, Facult. Phil

*A. d. XII. Febr*

*Anni*

QVo DoMIno grates

CanIt.

---

TTPIS FRETSCHE

ACADEMICA I.  
 E  
 NISMO,

am,  
 academici Salani,  
 celebrati, memoriam,

SID E

RO

verendo, atque

entissimo,

NE ERNESTO

SS. Theol. D. & P.P.

o filiali observantiâ æter-  
 sequendo

landam exhibet

ORUS HEINRICUS

ult. Philosoph. Adjunctus,

II. Febr.

Anni

grates ritè SaLana

anIt.

---

SCHMIDIANIS.



J. N. D.  
DISPUTATIO THEOLOGICA  
DE  
FLACIANISMO.

S. I.

**P**Er antiquus & perpetuus antiqui i- *Proemium*  
stius serpentis mos est, ut quæ DEO placent, de-  
struere, puramque divini verbi segetem Zizaniis  
conspurcare laboret, *Matth. XIII.* Id ipsum &  
nostra Salana in venerandâ suâ canitie per DEI  
gratiam nunc florentissima, non sine piorum consternatione  
olim experta est. Cum enim Saxo magnanimus de eâ fundan-  
dâ iniret consilium, trux ille hostis de eâdem in ineunabulis  
statim suffocandâ & delendâ fuit meditatus, nec successu pror-  
sus irritus. Multos siquidem Viros doctissimos, Academiae  
in Ecclesiae salutem nascentis fulcra, detestandis suis heresibus  
defœdavit, ut illorum operâ Ecclesiae unitas gravissimè viola-  
ta, & Academia adhuc recens labefactata fuerit.

S. 2. Istâ inter dogmata locum sibi vindicat non po-  
stremum, abominandum istud, & à Manichæismo non planè  
alienum; domesticum illud malum, quod tanquam serpen-  
tem ad vitæ finem usque in sinu ac carne nostrâ fovemus, pec-  
catum scilicet originale, substantiam esse, adferens. Hoc in *Error hic va-*  
apricum producam, ejusque foeditatem delineem, & *de p-fuatis*  
peræ pretium, & tempori huic conveniens est. Manifesta-  
bit enim ex parte istâ tractatio, in quantis *illa Nostra* pericu-  
lis fuerit, adeoque majorem sine dubio DEI laudem in pio-  
rum cordibus in præsentî Jubilæo excitabit. Cum verò de  
istò errore multi extent tractatus integri, eaquæ pro &  
contra illum in iis prolixè disputantur, omnia paucis his pa-  
gellis

gellis comprehendendi nequeant, ideo, ut potiora saltem, juvante DEO, complectar, pro viribus allaborabo.

*Ejus Autor;* S. 3. Quemadmodum itaque Satanas ad disseminandam hæreses aliosve errores, non facile indoctis, & imi subfelli, sed magni ut plurimum nominis & famæ Viris, nequitie suæ instrumentis utitur, ita nostrum, quod tractandum sumus, dogma sparsit per virum cetera doctissimum, atque absque illo uno fuisset, Theologum non cum multis conferendum, *Matthiam Flacium*. De cujus vitâ, ut ante omnia quædam præmittam, eaque, quæ ex antiquitatum cellulis *Jani Jacobi Boswardi Vesuntini, part. 3. Iconum virorum Illustrum ad imag. 38. pag. 155. & seqq. Melchioris Adami, in vitis Germanorum Theologorum pag. 472. & seqq.* & aliunde colligi potuerunt, adducam, Lectori non erit ingratum.

*Vita*

S. 4. Eundem edidit *Illyria* (quæ hodiè *Slavonia* appellatur, *Istria* contermina) oppidum Venetis subiectum *Albona* Anni 1520. d. 3. Martii, supputante *Reunero*, familiâ, ut quidam putant, nobili; ut alii, plebeiâ quidem, veteri tamen & numerosâ. Pater ei fuit *Andreas Flaccus*, vir integer & honestus; mater *Jacoba*, ex nobili ibidem *Luciorum* familiâ oriunda. Ipse verò *Matthias Flaccus*, euphoniæ gratiâ *Flacius* & *Flacius*, à patriâ *Illyricus*, ab aliis *Francowitz* dictus est: quamvis hujus appellationis ratio lateat, ut notat perquam Reverend. Dn. M. Beyer. Eccles. hujus loci Diacon. meritiss. &c. in *Nomenclatore Professor. part. 1. pag. m. II.*

S. 5. Pater, qui & ipse ad virilem usque ætatem bonis literis operam dederat, cum indolem in puero à studiis minime abhorrentem deprehendisset, tenello ejus animo prima instillavit rudimenta, Isto postea è vivis exempto, à tutoribus neglectus omnia ferè dedidicit *Flacium*, donec ipse suo judicio ad literas reversus, in patriâ *Francisco Ascerio Mediolanensi*, viro doctissimo præceptore usus fuit. Jactis feliciter fundamentis, *Venetias* missus, *Johannem Baptistam Egnatium* audivit ac egregios in humanioribus literis profectus fecit. Annos deinde natus septendecim pietatis ac theologici studii desiderio ardens, frequenter in templis psalmodias

dias publicas juvit, totumque se Theologiæ mancipare, apud  
 animum decrevit suum. Cum verò eandem non nisi in fre-  
 quentibus monasteriis ac magnarum Urbium Academiis  
 tradi, se verò sumtibus ad vitam Academicam diutius viven-  
 dam necessariis destitui videret, monachismum profiteri in-  
 duxit in animum. *Baldo Lupitano* proinde, Franciscanorum  
 Provinciali, materno propinquo (qui pòst ob Lutherana re-  
 ligionis suspicionem *Venetis*, exantlato viginti annorum  
 carcere, in mare submersus, supplicium fortiter pertulit.)  
 consilium manifestans, dimidiam bonorum partem mona-  
 sterio ejus obtulit, eâ lege, ut mox vel *Bononiam* vel *Pataviam*  
 in illius ordinis coenobium quoddam missus, literis ac Theo-  
 logiæ imprimis commodè vacaret. Qui tamen, probato  
 prius consilio, postea verò perspecto & explorato *Flacio* ani-  
 mo ac ingenio haut vulgari, ut is spreto monasterio, Germa-  
 niam adiret, ac viris in eâ doctis operam daret, autor fuit.

§. 6. Placuit hoc *Flacio* consilium, quo tamen præcisè  
 tempore is iter ingressus sit, in eo dissentiunt autores: nos  
 antè laudati *Melchioris Adami* relationem eloquemur. Per-  
 lectis itaque Evangelicorum aliquot scriptis, relicto mona-  
 chatus desiderio, in Germaniam, antè non visam, venit, omni  
 penè destitutus viatico, ac primum quidem *Basileam* appulit  
 anno trigésimo nono, ubi à *D. Simone Grynao*, hospite pòst & præ-  
 ceptore, amicè exceptus est. Eodem anno finiente, ad suum  
 gentilem *Matthiam Garbicum*, qui *Tubingæ* Græcas literas pro-  
 fitebatur, profectus ejusdè usq; hospitio pro facultatibus ipsiq;  
 non illiberali, & *Joachimi Camerarii*, qui eodè ante biennium  
 venerat, aliorumque benivolentiam expertus est. Inexple-  
 bili *D. Martinum Lutherum* & *M. Philippum Melancthonem*,  
 duum viros illos Papicidas, videndi desiderio, anno demum  
 1541. *Ratisbonam*, ubi comitia celebrabantur, transiens, *Wite-  
 bergam* adiit.

§. 7. Ibi qui ei faverent & succurrerent, non defue-  
 runt. Discipuli, quos privatim in Græcis ac Ebraicis institu-  
 it, didacæro initio ipsum aluerunt. *Melancthon* humanitate  
 singulari ipsum complexus, vel quòd à *Tubingen* sibus vene-  
 rat, vel quòd præclare de ingenio ejus speraret, omnibus re-

bus eum adjuvit, augens & ornans hominem, suis etiam facultatibus sustentans. Cum tentationibus de peccato, in DEI, prædestinatione ac aliis divexaretur, hospes ejus, *Friaricus Barchanus*, Ecclesiæ ibid. minister id primum ad *D. Bugenbadium*, vulgò *Pomeranum*, deinde ad ipsum *Lutherum* detulit: quibus tandem, post preces etiam publicè pro ipso tutas, literarum sacrarum auditis consolationibus, fuit liberatus. Post anno 44. ad professionem Linguae sanctæ publicam promotus, & sequenti locum inter XXXIX primum obtinens, Doctoratus Philosophici insignibus ornatus, brevi, de laudatorum Theologorum consilio, uxorem duxit. Suscepit ex eadem filium cognominem, *Matthiam Flacium* juniorem, qui Anno 1562. Rectore *D. Matthiâ Colero* Icto in nostro studio forum albo inscriptus legitur.

§. 8. Conflato deinceps bello Smalcaldico & Scholis Saxonis dissipatis, relicta ad tempus *Wittebergâ*, invitatus à *D. Nicolao Medlero*, Brunsvigæ Ecclesiarum & Scholarum Inspector, in Pedagogy ibid. aliquot menses docuit. Bello nonnihil sedato, *Wittebergam* ad suam Professionem anno 47. rediit, ubi tamè non diu permansit. Divulgato enim libro Interimistico, cum *Melanchthon* & alii de rebus mediis, quæ adiphora dicuntur, remittendum aliquid statuerent, iis se cum paucis aliis masculè opposuit, & clandestino abitu sine stipendii promissione, *Magdeburgum* concessit, & è peculio suo vixit. Ibi cum officinæ Typographicæ Inspector ac director datus strenuè sectas varias impugnasset, ad docendas sacras literas Jenam vocatus, venit anno 57. d. 27. April. & principio suam egregiè ornavit spartam: nec diu tamen ibidem commoratus. Lapsus enim in colloquio *Vinarsensi* & palinodiam canere recusans, migrare coactus fuit, & discessit, relicto domicilio, anno 62. d. 9. Januarii, ad Istrum & *Ratibone* nidificavit. *Antverpiam* vocatus anno 67. reformandæ religioni cum *M. Cyriaco Spangenbergio*, *Hamelmanno* & aliis operam dedit. Cum autem paulò post ministri illi dimitterentur, *Argentoratum* commigravit, ibique aliquantisper substitit. *Francfordiam* tandem ad Moenum profectus, inq; suo permanens errore, quem *Argentana*,

*Argentina Fulda & Mansfeldia* pro disputatione acriter defendit, anno 75, d. 11. Martii, ætatis 55 præsentè *Adamo Lonicæo* Poliatro satis concessit. Sepultus est ibidem honorificè, ex equias funebri concione decorante *Casparo Heldelino Cronbergensi Ecclesiæ Pastore*: quæ typis evulgata. Epicediis insuper ac versibus epitaphiis ornatus est à *Wendelino ab Helbach, D. Johane Fraxineo, Poëtâ C. Christophoro Jrenao, Paulo Reineccero, Marco Volmario, Theologis.*

§.9. Sicut verò *Flacius* felicissimo fuit ingenio, ita otio ignavo nequaquam deditus; verum veritatis hostes & sectarios, præprimis, cum Magdeburgi commoraretur, ut & postea variis scriptis acerrimè insectatus fuit. Unde ipse in *tractatu Germanico contra Christophorum Lasium* ad Ecclesiam Augustanam ita scribit: Ich bin mir fürwar/ Gott lob / wohl bewußt/ und mag mich wohl vor Christo und seiner lieben Kirchen rühmen/ daß ich mit meinen schreiben wieder das Interim/ Anaphoristery / Schwenckseldistery / und Ostandtstery und auch vom H. Sacrament nun wohl verdienet bin &c. Quemadmodum autem sine personarum respectu quosvis in veritate nutantes oppugnavit, ita omnium ferè animos in se concitavit: qui etiam, ut erroris ipsum convincerent, summâ ope fuerunt nisi. Sparsērunt itaque, ipsum 1. Christi deitatem negasse, 2. statuisse, DEum Patrem seipsum cognoscendo & intelligendo genuisse Filium, 3. Evangelium psittaco comparasse, 4. Justificationem cum renovatione confundere; & plura alia, quæ tamen pro mendaciis habet *Flacius in peculiari tractatu: Bericht von etlichen Artickeln der Christlichen Lehr &c. Anno 1559 edit.*

§.10. Antequam ad alia pergamus, librorum illius est faciendâ mentio. Conscripsit autem ultra centum libros & tractatus, Latinos partim, partim Germanicos ( licet linguæ Germ. nunquam perfectè peritus fuerit ) typis evulgatos, quorum plurimos recenset *D. Conradus Gesnerus in Bibliothec. fol. 593. & seqq.* Inter quos opera quædam auro & ostro contrâ caran non sunt, v. g. *Historia Ecclesiastica Centuriæ, Magdeburgenses disce, quas Magdeburgi subsistens, aliis doctissimis viris adiutus,*



adiutus, adornavit; *Clavis Scripturae*, seu opus de sacrarum  
Literarum sermone; *Glossa in N. testamentum*, &c.

**Erroris octa-  
vis: Synergis-  
mus.** §. 11. Et hæc sunt potiora, quæ de erroris tractandi &  
refutandi Autore reperire potuimus: à quibus ad e. usdem  
occasionem properandum est. Vigebat tum temporis, cum  
*Jenæ* esset *Elacius*, Synergistarum error, cujus sæcunda semina  
in variis scriptis ac libris à *Philippa Melancthone* editis ipsa  
fuerunt, teste *Hüttero super Form. Concord. artic. 2. pag. 204*. Sta-  
tuebant illi tres conversionis causas, Spiritum, verbum DEI  
& voluntatem hominis. Fingeant, hominem in rebus spi-  
ritualibus non prorsus ad bonum esse emortuum; sed tantum  
graviter vulneratum & semimortuum. Et quamvis liberum  
arbitrium infirmius sit, quam ut initium facere & seipsum  
propriis viribus ad DEum convertere & legi DEI toto corde  
obedire possit; tamen si Spiritus S. initium faciat, & nos per  
Evangelium vocec, gratiam suam, remissionem peccatorum  
& æternam salutem nobis offerat: tunc liberum arbitrium,  
propriis suis naturalibus viribus DEO occurrere, aliquo mo-  
do (aliquid saltem, etsi parum & languide) ad conversionem  
suam conferre, eam adjuvare, cooperari, sese ad gratiam pre-  
parare & applicare, eam apprehendere, amplecti, Evangelio  
credere, & quidem in continuatione & conservatione huius  
operis, propriis suis viribus, unâ cum Spiritu S. cooperari  
posse; ut prolixè eorum mentem *Declaratio super Form. Concord.*  
declarat.

**Quam pro-  
pugnabat Scri-  
gelius.  
oppugnabat  
Elacius.** §. 12. Eundem errorem fovebat non solum, sed præci-  
puè ejus propugnator existerat *Victorinus Strigelius* & longè  
lateque disseminabat. Huic, ut par erat, mæculæ se oppo-  
nebant *Illyricus* & *D. Simon Musæus*, uterque in novo *Lycæo* tum  
professor Theologus, synergismum ex verbo DEI oppugna-  
bant, & exesse jubebant. Cum verò neutra pars alteri vel-  
let cedere, res ad Academiae Fundatores & Nutritios Muni-  
ficientissimos est delata, qui detollendis diffidiis & omnibus  
malis à recens natâ Academia averruncandis apprimè sollici-  
ti, nihil, quod boni erat Principis, intermiserunt. Quò pro-  
inde innotesceret, quid & quâ ratione mota utraque pars  
statu-

statueret, & periculosa controversia eò sopirentur citius, & micum Colloquium inter eas *Vinariæ* habendum decretum est. Illo itaque annuo ferè tempore antè indicato, quò utraque pars suam sententiam brevibus thesibus includeret, easque publicè defendere parata esset, *prima sessionis dies fuit Augusti secundus anni sexagesimi. Et in colloquio Vinariensi,* Disputatum tum fuit per integram septimanam arce in Vinariensi Hornstein coram Illustrissimis Saxonibus, præsentibus Consiliariis, Superintendentibus, Pastoribus, multisque Studiosis Wittebergenfibus, Lipsiensibus & Jenensibus, aliisque civibus & aulicis, sicut refert *B. Musæus in Præfatione Disputationi Vinariensi à se editæ præfixâ.*

§. 13. Factâ proinde dicendi potestate, Flacio visum fuit faciendum, ut propositiones suas breviter percurreret, & hoc usus syllogismo. Inesse, proponeret. Inde c. l. p. m. 6. ita argumentatur: *Impossibile est, ut res, creatura aut causa penitus spoliata suis bonis viribus, quicquam boni verè operari aut cooperari possit sola aut cum aliis: multò minùs, si insuper malas aut contrarias vires nacta est. Sed naturalis homo, teste Scripturâ, non tantùm omnes bonas vires amisit, quod ad Deum ac veram religionem, & ejus obedientiam: sed etiam insuper pessimas, & contrarias nactus est. E. impossibile est, eum quicquam boni operari aut cooperari.* Majorem & minorem probat diversis Scripturæ dictis, quæ ibidem legi possunt.

§. 14. Hoc argumentum quoniam firmum & Scripturarum testimonio confirmatum erat, *Strigelii* jugulum petebat, ab eo *Regerit Strigelius.* de inq; dissolvi non poterat. Unde tergiversatus, tandem p. m. 14 dicebat, se concedere totum argumentum de peccato originis, & naturâ nondum regeneratâ, quæ prorsus animalis sit, & regatur tantum naturalibus viribus sine Spiritu S. quæque nondum habeat initia conversionis. Cum verò regeret *Illyricus*, non posse id de originali peccato intelligi, nisi simul de libero arbitrio acciperetur, cujus malitia ex naturali corruptione dependeat; regeffit *Victorinus*, peccatum significare tantum *ἀταξίαν* seu inordinationem, non autem *πανολοθρίαν* substantiæ hominis, ejusve proprietatum, & prolixè de natu-

*Et argumen-  
tum aliquod  
insinuat,* rā accidentis cœpit differere. Quæ *ibid.* disputat huic argu-  
mento inclusit *Hutterus c. l. p. 24. N. accidens potest corrumpere  
substantiam. P. O. est accidens, liberum autem arbitrium est sub-  
stantia. E. peccatum O. non potest corrumpere liberum arbitrium &  
proinde liberum arbitrium, suas adhuc vires habet.*

*quod malè  
soluit Flacius.* §. 15. Et hoc fuit argumentum, quod velut Gorgonis  
caput objectum, *Flacius* in hæreticum ex improviso, præter-  
que omnium spera transmutavit. Etenim non aliā statim,  
tum succurrente responsione, absurdum illud longè maxi-  
mum, *peccatum originis esse substantiam*, profiteri non fuit veri-  
tus; cum tamen aliam facile potuisset invenire viam. Nec  
*Ej9 vera quæ-  
ritur solutio,* enim major, nec minor in dicto argumento simpliciter tole-  
randa est. Id quod ut clarum evadat, nonnulla de peccati  
originis naturā erunt adducenda.

*Et premitti-  
tur, quod pec-  
catum O. sit  
privatio,* §. 16. Definiunt autem veteres cum *Anselmo* pecca-  
tum originis, justitiæ originalis privationem. Et quidem  
quod peccatum originis dicat privationem, ipse *Paulus* edo-  
cet *Rom. III. 23.* omnes enim peccaverunt, & destituuntur glo-  
riā DEI. Quod verò ista non levis aliqua, sed fœdissima,  
& maximè horrenda sit privatio, ex summā justitiæ origina-  
lis præstantiā colligitur. Erat enim ista humanarum viri-  
*maximi doni,* rum perfectio & conformitas cum Archetypo; quā mens es-  
sentiae & voluntatis divinæ distinctā cognitione illustrata; vo-  
luntas promptā & invariata ad bonum inclinatione, perfectio-  
que DEI cogniti amore; appetitus verò summā concordia,  
svaviq̃ue cum superioribus facultatibus consensu præditus.  
Per hoc ornamentam poterat homo debitam DEO præstare  
obedientiam; diligere eundem ex toto corde, ex totā ani-  
ma, & ex omnibus viribus.

§. 17. Acceperat verò primus humani generis sator  
divinum istud ornamentum, vestem illam nuptialem & regi-  
am, quā DEO serviret & placeret, non pro se solum, sed pro  
roto genere humano, in quod naturali generatione propa-  
gandum erat: ut ita omnes ejusdem posterī ex primavā  
Dei institutione ad eam, justitiā sc. & sanctitatē originalem ha-  
bendā obligentur. Is tamē unā cum sociā suā, quod acceperat,  
non

non diu retinuit, sed personato serpenti, ad infelicem mali  
morsum incitanti, morem gerens, & sibi & posteritati amisit,  
*Gen. III, 6. Rom. V. 15.*

§. 18. Tanti ergo boni ac doni in locum tristissima  
successit privatio, ut nunc *naturâ* i.e. ab ortu statim & origi-  
ne nostrâ *simus filii ira*, *Eph. II. 3.* Nascimur proinde vicem sa-  
pientiæ cum summâ ignorantia, tenebris & caligine; loco a-  
moris divini cum ejusdem odio, aversione & fugâ. Appeti-  
tus quoque sensitivus solutus est, & ortus motus ille civicus,  
ac intestinum bellum, quod priusquam homo ipse dissolvatur,  
nunquam solvitur. Vid. *I. Cor. I. 23. c. II. 14. 2. Cor. III. 5. Rom.*  
*VII. 14. & seqq. VIII. 7. Phil. II. 13. Job. I. 13. & alia.*

§. 19. Hoc itaque est nostrum patrimonium, nostra, *nec importes*  
hæreditas à primis parentibus in nos derivata, & nobiscum, *quid positivi,*  
nata. *Illyricus* verò in libello de peccato orig. & lib. arbitrio Anno  
1560. edito, contendit, hanc privationem non esse omne ma-  
lum nobiscum natum, sed vix dimidium ejus. Non solum  
enim bonum fuisse amissum, sed malum quoque insuper ac-  
cessisse, quod habitum positivum vivum & grassantem quan-  
dam in nobis pestem ac venenum appellitat. Vid. etiam  
*Clav. part. 2. p. 480.* Verum nullum positivum *strictè & in rigore*  
*metaphysico* tale, formaliter & de se peccatum esse, cum Scri-  
pturâ, naturalis docet ratio. DEus enim nullo modo pecca-  
ti; omnis tamen entis ac positivi, cujuscunque generis sit, si  
non particularis, universalis tamen & conservans causa est.

§. 20. Aliud tamen aliî malo isti, connato addunt ma- *Quid de con-*  
lum, *concupiscentiam*, quam sub peccato originis compre- *cupiscentiâ*  
hendi volunt; quorum mens rectè explicanda est. Monen- *sentendum?*  
dum proinde (1) per concupiscentiam non intelligi, ipsam  
vim & facultatem concupiscendi secundum se, quæ homini  
naturalis & essentialis est; nec actum facultatis appetitivæ in  
se spectatum, qui etiam homini adhuc integro, ubi peccatum  
nondum erat, conveniebat: Sed speciatim intelligitur *prava*  
*concupiscentia.* (2.) Concupiscentiæ vocē dupliciter accipi. 1. pro  
actu primo, nempe pronitate ad malum; 2. pro actu se-  
cundo, seu pro ipsis inordinatis motibus & appetitionibus.

Sic *Augustana C.* eā voce actum primum & secundum intelligit artic. 2. ut *Apologeta* docet. Ita etiam h. l. sumi potest, ut sc. & pronitatem ad malum, & actus inordinatos suo amplexu comprehendat. Hi quidem non nascuntur nobiscum, sed quotidie in homine excitantur, unde possunt & solent à nonnullis ad actuale peccatum referri: quia tamen non dependent à liberā nostrā voluntate, sed præter voluntatem ex connatā illā ad malum pronitate, necessitate quādam fluunt ac oriuntur, ideo communiter ad peccatum originis referuntur; quemadmodum ipsa Scriptura motus concupiscentiæ inordinatos & peccata actualia contradistinguit *Jacob. 1. 14. (3.)* Concupiscentiā pravā duo involvere, unum est *materiale*, facultas scil. appetitiva, ejusque actus; alterum *formale*, quod est pravitas, *αμαρτία* & *ἀνομία* adhaerens. Prius in se & per se à DEO pendet, atque etiam in Adamo nondum lapso fuit, ut inferius disputabitur, adeoque peccatum non est; posterius verò Satanae & homini peccatori debet originem.

*Q. an p. o. sit  
pura privatio?  
cujus duplex  
sensus explicatur,*

§. 21. Quid nunc de quaestione illā, quæ inter nos & Pontificios agitur; & huc omnino pertinet: *an sc. peccatum originis sit pura privatio*; sentiendum sit, ex dictis non potest obscurum esse. Ea enim dupliciter potest intelligi (1) ut vox *pura* intelligatur adjecta ad excludendam entitatem & positivum in rigore metaphysico & strictissime sumtum, ut sensus sit: an peccatum originis sit pura puta privatio, ita ut nihil entitatis positivæ includat? (2) ut vox *pura* intelligatur adjecta ad excludendam destructionem & corruptionem, & sensus sit: an peccatum originis sit nuda privatio, hævus levis atque macula absque naturalium destructione & corruptione adhaerens?

*Agitur  
t. De priori*

§. 22. Priorem sensum quod attinet, circa illum distinctione opus est; peccatum scilicet considerari potest dupliciter, vel 1. *abstractivè* & formaliter, ut est *ἀνομία* & reititudinis inesse debita carentia, vel 2. *concretivè*; quomodo præter dictam rationem formalem involvit ejusdem subjectum (& facultatem & actum appetendi) quod tamen secundum se non est peccatum. Quomodo etiam cum peccatis actualibus

libus res habet; v. g. furtum formaliter consistit in *avoula*, quia scilicet manus ad rem alienam invito domino extenditur; quoniam tamen pro subiecto seu materiali habet actionem, quæ secundum se spectata non est peccatum, ideo etiam id totum ex actione & *avoula* quasi aggregatum, furtum appellare consuevimus. Itaque intellectus bene deprehendit ac novit discrimen inter facultatem, actumque appetendi, *avoula* & *avoula* adherentem; quia tamen eadem conjunctissima sunt, ideo complexum illud, utrumque includens, uno verbo peccatum originis appellamus; idque præeunte Scripturâ, quæ concupiscentiam peccatum appellat *Rom. VII, 7.*

§. 23. Jam dicendum, peccatum originis in concreto spectatum involvere aliquid positivi, subiectum scilicet, seu materiale, quod tamen secundum se non est peccatum, ut aliquoties dictum. Si verò formaliter & in abstracto spectetur, realis entitatis nihil involvit, sed quantum quantum est, pura puta privatio meretur dici.

§. 24. Ex quo & illud fuit, peccatum originis formaliter, & secundum id, secundum quod peccatum est, spectatum, non esse substantiam prædicamentalem, nec accidens prædicamentale. Ad hæc enim requiritur, ut entia sint, peccatum autem originis hæc ratione spectatum ens non est, sed entis privatio. Quando proinde à Theologis habitus & qualitas salutatur, id non propriè, sed eo capiendum est modo, quo privatio à Philosopho salutatur habitus, *s. Melij respondetaph. c. 17.* Si verò substantia pro essentia sumatur, tum peccatum. Ob eandem rationem non est substantia, nec substantiale quid, sed accidens hominis prædicabile, non positivum quidem, quale est albedo; sed privativum, quale est cæcitas.

§. 25. Quod verò posteriorem sensum attinet, eum affirmant Pontificii, nos negamus. Nam originalis iustitia non erat externum hominis accidens & nudum ornamentum, sed erat homini certâ ratione naturalis. Non scilicet constitutive, nec consecutive, ex naturalibus principiis fluens, *2. de posterio-ri.*

sed quatenus erat donum naturę humanę concreatum, atque in posteros propagandum, quod internę animę facultates & vires perficiebat ad actus suos ordinate, & benę exercendos absque ullo nęvo aut maculā. Quia itaque peccatum originis insignis huius doni est privatio, non potest non intimam & profundissimam animę facultatum & virium naturalium depravationem importare. Ipsę quidem facultates humanę secundum substantiam suam non sunt abolitę, abolita tamen est in iis vis ac facultas actus suos rectę, legique, divinę per omnia conformiter exercendi. Nec Intellectus proinde humanus lumine concreato privatus, de DEO rebusque divinis, ut oportet, cogitare, nec voluntas in bonum ferri valet: velut hoc dicta supra citata satis confirmant.

*Hominem*

*contrarias vi-  
res nactum  
esse, declara-  
tur.*

§. 26. Licet itaque peccatum originis formaliter nihil positivi importet, veritati tamen vim non faciebat, si rectę explicetur, *Illyricus*, in argumento suo adserens, nostras facultates viribus bonis non solum privatas, sed etiam contrarias vires nactas esse; videlicet, non per positivi alicujus additionem, sed per pręsentis abolitionem. Appetitus n. v. g. est potentia, quā homo in aliquid fertur; jam autem amisit homo vires ad bonum appetendum; ideo jam iis abolitis, non potest non pronus esse & ferri in malum. Ut ita conditio humana longę sit deterior, quā sauciati istius hominis, qui in latrones inciderat. *Luc. 10. Ille enim miser*, ut rectissime loquitur *Flacius in colloq. p. 11. est fuerat a latronibus sauciatus horribiliter, non tamen prorsus omnes scintillas ac micę vitę amiserat; nec erat totaliter extinctus, aliqui non potuissent reviviscere & sanari. Ego verò assero, hominem originali lapsu non tantum sauciatus, sed (ut Scriptura affirmat) esse penitus mortuum, extinctum, & interfectum ad bonum in spiritualibus; & contra in super-vivum ac vigentem ad malum.*

*Major Strigelii negatur.*

§. 27. His ita se habentibus, nullo patet negotio, quid sentiendum sit de majore argumenti Strigeliani. Videlicet de ejus veritate multis agi posset, quia tamen peccatum originis est accidens privativum, ideo etiam, ne frustra charta perdatur, de eā propositione h. l. non aliter agendum, quā

quatenus

quatenus ita accipitur: *N. accidens privativum corrumpit substantiam.* Hæc verò propositio non universaliter, sed tum vera est, si de destructione effectivâ & terminativâ intelligatur: nullum scilicet tale accidens potest corrumpere substantiam effectivè & tanquam terminum; potest tamen formaliter & subjectivè, quatenus nempe ex eâ tollit, excludit ac removet entitatem eam, cujus est privatio, quâque remotâ, substantia suum munus, ad quod antè destinata erat, obire amplius non valet. Exemplo nobis sit cæcitas, quæ hominem hoc corrumpit modo, dum scilicet tollit ab homine potentiam aliquam, quâ remotâ, quamvis homo omnes omnino animæ facultates retineat, ad actum tamen videndi eliciendum ineptus est. Eodem quoque modo peccatum originis animæ facultates depravare & corrumpere statuendum est. Scilicet quia id excludit omnes bonè agendi & cogitandi vires, ideoque eas ita depravat ut, sicut antea non nisi in bonum; ita nunc non nisi in malum ferri aptæ natæ sint.

§. 28. Hisce *Illyricus* potuisset & debuisset solvere non istum non sanè Gordium, à *Victorino* allatum; malebat tamen uno ictu eum dissecare, & peccatum originis substantiam esse asserere. Per substantiam verò non tantum substantiam prædicamentalem, id est, rem per se subsistentem intelligebat, sed etiam eo nomine essentiam complectebatur; ut ita peccatum originis & per se subsistere, & ad esse hominis pertinere, ejus fuerit sententia, quemadmodum id ex dicendis satis liquebit. Qui profectò error est, puero etiam indignus.

*Flacii respon-*  
*sio repetitur*  
*& explicatur.*

§. 29. Quî autem fieri potuerit, ut tantus Vir in eum prolapsus, duplex assignari potest causa. Una fuit nimia ejus in sermone præcipitantia. Testatur enim laudatus *Musæus in citatâ præfatione*, quòd ille admodum præceps in sermone & justo celerius locutus fuerit, sive naturæ vitio, sive consuetudinis advesatione, sive ne nimium temporis absumeret, disputationemque ad finem maturè perducere posset. Altera fuit, quòd Philosophiæ non habuerit accuratam cognitionem, sed acerrimus ejus osor extiterit, ut tum ex variis dictis,

*Erroris duplex causa assignatur.*



diſſerlis, quibus paſſim rodit Philoſophiam, tam etiam ex multis vitioſis argumentis, quæ paſſim proponit, & ex totâ hac diſputatione patet. Ut ita hic in defectu, ubi *Victorinus* in exceſſu, peccaverit, ceu laudatus *Museus* c. l. teſtatur. Ille enim non libenter diſputabat ex S. literis, ſed ex omnib. aliis ſcientiis, inquit *Museus*, & libris, opinor etiam *Eſopo* & *Marcolſoma* luſſent diſputare adverſari, quam ex S. literis. Ut ita medium tenendum, & Philoſophiâ, ſobriè tamen, utendum eſſe, magnorum Virorum uterque magno ſuo confirment damno.

Collegarum  
diſſenſus

§. 30. Cum verò hoc ita contigiſſet, extemplò *Illyrici* amici laborarunt, ut eum in veram viam reducerent, atque, ut is duram ſuam phraſin corrigeret, amici petierunt. *D. Wigandus*, *D. Simon Museus* & alii ejus college, qui in arce *Vinarientiſi*, mandato trium Illuſtriſſimorum fratrum Saxonie Ducum diſputationi iſti interfuert, *Illyricum* ſtatim in ipſâ diſputatione fraternè & fideliter (id quod ſepius ex eorum ore audivi) admonuerunt, ut ab hac novâ & periculoſâ & blaſphemâ veterum *Manichaorum* propoſitione, que in Eccleſiâ D<sup>e</sup>i magnas turbas datura eſſet, abſtineret, & errorem *Victorini* de libero arbitrio non falſâ propoſitione, ſed verbo D<sup>e</sup>i refutaret, ait *D. Conradus Schluſſelburg.* in *Catalag. Heretic.* lib. 2. pag. 4. Sed quid fit? *Flacius* criſtas ſuas erigit, turpe ſibi eſſe ratus, ab aliis inferioribus & junioribus admoneri ac corrigi. Omnium proinde Collegarum fraternas & fideles admonitiones adſpernatus. illis diſſidentibus, invitis & repugnantibus, pertinaciter plurimis ſcriptis blaſphemam ſuam propoſitionem palliare, inſcrutare & propugnare cœpit.

Flacii ingra-  
tus;

aliorum ap-  
plauſus enar-  
ratur.

§. 31. Neque, ceu fieri ſvevit, paraſtatis tanti potiſſimum Viri autoritate initio fascinatis, fuit deſtitutus. Eos inter præcipui fuerunt *L. Nicolaus Amſdorffius*, *D. Johannes Friedericus Cæleſtinus*, hic *Theol. P. P. M.* *Cyriacus Spangenbergius*, *M. Chriſtophorus Jrenæus*, Ducis Saxonie *Johannis Wilhelmi Concionator aulicus*, *M. Martinus Wulſius*, *Pæſtor Calenſis*, *Hieronymus Opicius*, *Theologus Ratiſbonenſis*, alii item *Pæſtores*, *M. Thomas Hoffmannius*, *Matthias Schneider*, *Antonius Otto*, *Jonas Francus*, *Tobias Rupius*, *Wilhelmus Sarcerius*, *Johannes Beatus*, *Henricus Fridelandus*, *Martinus Ottersendorffius*, *Cæſarius Heldelinus* & alii. Imò teſtan-

testantur quidam Pastores Mansfeldenses in tractatu *Germ. two hochnörthwendige Fragen* pag 4. *M. Mencklini* Superintendentem Mansfeldensem *Vinaria* loco & nomine omnium istius Comitatus Pastorum hanc sententiam esse confessum; quem tamen deinceps aliter statuisse, testatur *Flacius* in der warhafftigen Antwort auff den falschen arglistigen Bericht anno 73. edit.

§. 32. Zizaniâ tanta subito incrementa capiente, recte *Error oppis-*  
sententium coetus non tacendum, sed Ecclesiam ab eâdem li- *gnatur.*

berandam ac purgandam esse, arbitratus fuit. Variaproinde contra impiam istam sententiam tela evibrârunt eruditi, quorum nonnulla etiam *Formula Concordiæ* urget; potiora adducemus: I. Mansit & non abolita est species humana, E. quia peccatum originis Satanz fraude introductum est, id non pertinet ad illius substantiam. II. Omnis substantia à DEO creata est, *Job. 1. 3.* Si E. peccatum originis est substantia, etiam à DEO creatum est, quod Manichæum. III. Peccatum O. est à Diabolo. Si E. est substantia, Diabolus creator est, quod iterum Manichæum. IV. Si peccatum est substantia hominis, Christus, qui non adsumsit peccatum, *Ebr. IV. 15.* naturam humanam non adsumsit, quod est contra *Ebr. II. 17.* & alia clari dicta. V. Christus humanam substantiam à morte æternâ redemit. Peccatum O. non redemit, E. VI. Spiritus S. nostram substantiam sanctificat. Peccatum O. non sanctificat. E. VII. Humana substantia à morte resurget. P. O. cum sanctis non resurget. E. VIII. DEus bona opera requirit à substantiâ humanâ. Sed ea non requirit à peccato originis, E. IX. Oramus, ut DEus nostra peccata, non autem substantiam nostram nobis remittat. E. X. In baptismo lavamur à peccato orig. *Eph. V. 27.* substantia hominis autem non occiditur. E. XI. Clavium potestate peccatorum, non autem substantiæ hominis remissionem accipimus. E. Ut ita dogma illud Flacianum cum præcipuis Christianæ doctrinæ capitibus, scil. cum doctrinâ de creatione, incarnatione Filii DEI, redemptione, sanctificatione, resurrectione, bonis operibus, creatione, baptismo, & clavium potestate directè pugnet.

§. 33. Hisce & aliis gravissimis argumentis cum pete- *Uterius de-*  
retur *Illyricus*, suam sententiam sive ex malitiâ, sive inconsi- *claratur;*

derantiâ abnegare recusans, eam uberius declarare & diverticula quarere coactus fuit. Quamvis verò in multis scriptis id tentaverit, mentem tamen suam ita proponit, ut Oedipo ferè ad eam percipiendam opus sit; quam tamen ut assequi valeamus, adnitemur.

*De quo peccato sit sermo?* S. 34. Primo itaque monet, sibi non sermonem esse de quovis peccato. Scio enim inquit in *Clav. part. 2. p. 483.* peccatum, ita pervasisse totum hominem, ac etiam totum mundum, ut possit in toto homine & in omnibus prædicamentis reperiri, ac sit ferme transcendens quoddam. Aliquod enim peccatum est substantia, nempe ipsa caro, vetus Adam, cor lapideum, aut sensus carnis: aliquod est accidens, ut vana pessima inclinationes, nobiscum nata: aliquod est habitus, ut valde varia vitia consuetudine contracta, aut etiam à Diabolo post natiuitatem nobis inspirata: aliquod est actio, vel interna, vel externa: aliquod est quies seu actionis neglectio, qualia sunt peccata omissionis: aliquod est etiam passio, ut perterriti magis hominum iniustis, quàm DEI iustissimis minis. &c.

*Flaccius aurifer loquitur,* S. 35. Deinde negari non potest, Illyricum durissimis locutionibus nonnunquam fuisse usum. p. 480. c. 4. ait: totus homo, quantus quantus jam est, siue in substantiâ, siue in accidentibus, quatenus talis est, mera abominatio & peccatum est. Pag. 490. dicit: Cum igitur tantum ista duo pessima & depravatissima partes (corpus & anima) in homine sint, necesse est, eas ipsas esse illud nativum malum, quod cum DEO pugnat, & quod DEUS condemnat, quodq; illam originalem pestem vocamus. Pag. 495. Etiam in Diabolis sunt adhuc multa præstantes creationis dotes, & quidem multo excellentiores, quàm in carnali homine: sed tamen, quia omnes contra DEUM militant, ideo sunt mala & mera peccata. Quid enim aliud sunt, quàm iniustitia armata? Sic quoq; res se habet in homine. In tractatu Germ: Christlich Befendnis von der Erbsünde ann. 71. part. 1. pag. b. 2. ait: das kan ich / der Herr Spangenberg / und andere viel Lehrer der Kirchen Christi nicht dulden / sondern sagen strack darwieder / daß das wesen der Menschen selbst / und wie D. Luther ausdrücklich sager / das Herz und Verunfft samt ihren besterkräftigen Sünde sey. Hievon ist nu der Streit / und um der Ursache muß man gebrauchē das Wort / Wesen / auff daß man wißet / daß der Baum selbst / an seinen ganzen stammē und Wurzel / auch

auch samt seiner fürnehmster und edelster Natur so gar verkehrt und verderbt ist / daß es eine rechte und wahrhaffte Sünde sey Similia leguntur *ibid.* pag. a. 3. & alibi passim.

S. 36. Protestatur tamen *Illyricus* plurimis in locis, suorum verborum & dictorum non eum, quem termini in vero suo ac consveto usu sumti, important, sed longè aliū sensū esse; num tamē contradictionis notā semper effugiat judicent alii. V. G. in *Clav. cit.* l. p. 482. ait: *Ut igitur maximè remaneat adhuc aliquid in homine à DEo creatum, quod propriè ac per se bonum est, & peccatum dici nequit, sicut & in Diabolis adhuc aliqua præstans Dei creatura superest, &c.* Sic alibi passim clamat, sumam sibi fieri injuriā, si sua sententia de toto homine, qualem coram intuemur, explicetur, & addit in *cit. tract. Germ.* pag. g. 4. Welche Calumnien und verkehrungen der warheit Gottes / gewißlich Christus der Herr an dem Jüngsten Tag greulich richten und straffen wird.

S. 37. Itaque adserit, se hominem non usurpare pro totâ substantiâ, omnes partes includente, nec substantiam hominis pro totâ ejusdem essentiâ. Hinc in *Clave* p. 482. distinguit inter substantiam materialem & formalem. Potest enim, inquit, considerari substantia testacei alicujus aut vitrei, aut argentei vasis, tum quatenus ex tali materiâ est, tum quatenus vas illud sic formatum est pulchrè aut turpiter, in formam honestam aut fœdam, perductum. Possis enim ex eadem materiâ facere vas honoratum & in honorem, ut ex vitro aut argento poculum; aut vas ignominie, ut matulam aut stulam &c. Eodem modo ait, in homine distinguendum esse inter substantiam materialem & formalem, seu formam substantialem. Loquor autem, inquit, non de istâ externâ & crassâ formâ, quam considerat in adolescente puella, aut etiam in toto homine Philosophia, non multò sanioribus oculis contemplanus ejus formam (tamei si & ea sit valdè corrupta & labefactata) ut quòd homo constet corpore & animâ, habeat staturam erectam, duos pedes, manus, oculos, aures & similia; sitq; animal ridens, numerans, ratiocinans. Sed loquor de eâ nobilissimâ substantiali formâ, ad quam precipuè ipsum cor, aut potius anima rationalis formata erat, ita ut ipsa suâ essentiâ esset Dei imago, eumq; representaret, utq; sue substantiales potentie, intellectus & voluntas, affectusq; ad Dei proprietates essent conformata, eumq;

*mollius tamen  
vult intelligi.*

*Distinguit in-  
ter substantiam materia-  
lem & forma-*

quidq; per sub tum representarent, tum verè agnoscerent, & promptissimè ample-  
stantiam ho-  
minis-  
clerentur. Hæc itaque in materiâ se substantiæ humanæ ap-  
pellatione non substantiam materialem, utpote quæ reman-  
ferit, tamen valdè vitiata; sed substantiam formalem, quæ  
planè deperierit, & in contrariam substantiâ, quæ ipsissimum  
peccatum originis sit, mutata fuerit, intelligere, *ibid.* adserit.

*& hominem  
intelligat, in-  
dicat:* S. 38. Ita etiam in *cit. tractat. Germ.* ait, se per hominem  
non intelligere totum humanum individuum, cum omnibus  
ejus viribus, quemadmodum Philosophia, aut etiam Medi-  
ci de homine loquuntur & scribunt, hæc verò in materiâ se-  
vocem istam usurpare propriè & præcipuè de animâ, quodq;  
in eâ nobilissimum est, nunc autem à Satana depravatum; vid.  
*pag. g. 2.* Quò pertinet, quod in *Clave pag. 491.* ait, in *Dialecticâ*  
*quidem & Philosophiâ esse verum, quòd homo sit animal rationale:*  
*at in Theologiâ nequaquam.*

*Triplicem fa-  
cit hominem* S. 39. Si rectè mentem ejus percipio, hoc vult, Theo-  
logum, quando in esse suo hominem considerat, alia respicere,  
quàm quæ respicit Philosophus. Hic considerate ea, quæ sen-  
sibus sunt obvia & sine revelatione divinâ cognosci possunt :  
ille verò perpendit alia, quæ nempe naturali lumine sunt im-  
penetrabilia, dona scil. & vires internas, quæ ipsi in spiritua-  
libus conveniant, vel non conveniunt amplius. Hinc licet Phi-  
losophia dicat, essentiam humanam consistere in eo, quòd sit  
animal rationale, Theologum tamen, qui non in cortice de-  
beat hære, in eo non acquiescere, sed oculis mentis ipsam  
respicere medullam. Unde cum triplex hominum status sit, in-  
nocentiæ, ante regenerationem & post regenerationem; ideo  
triplicem facit hominem *c. l. dreyer sey Menschen seyn/ der erste*  
*ist der vollkommene Mensch/ der ein Bild Gottes gewesen / der*  
*andere vom Teufel ermordete und verwandelt/ so man den al-*  
*ten Adam nennet/ und der dritte der neue und geistliche Mensch.*

*in uno Ada-  
mi individuo,* S. 40. Quamvis verò triplicem hominem statuatur, non  
tamen concedit, triplicem esse animam, re ipsâ distinctam,  
quarum quævis, priori annihilatâ, de novo sit producta, sed  
unam animam, à DEO creatam bonam, à Diabolo occisam  
& transformatam, à DEO tandem iterum immutari. Unde  
unum reverà manere individuum, eandem personam, ita ta-

me n

men, ut is non retineat eandem formam essentialem. Ein ei-  
niges individuum, Mensch oder Person ist Adam geistlich / le-  
bendig / und Gott ehnlich / Adam geistlich todt / und dem Teufel  
ehnlich / Adam wieder geböhren / und Adam glorificiret / aber er  
hat nicht einerley wesentliches Bildt / Gestalt oder form / son-  
derlich an seiner Seele / und so ferne er Theologisch oder nach der  
Lehre der H. Schrift bedacht wird. Sunt illius verba in der  
ableinung unwarhafter Auflagen Anno 73. pag. b. i. De-  
clarat hoc exemplis physicis *ibid.* Sicut scil. homo, bos, sus  
&c. aliam habet carnem in juventute, aliam in ætate mediâ,  
aliam in senectute, & tamen idem manet individuum: ita,  
non obstante mutatione formæ substantialis, eundem homi-  
nem, eandemque remanere personam, adlerit.

S. 42. Et licet propter istam animæ transmutationem *Ita ut licet*  
Diabolum figulum appellitet, id tamen, quod ipsi ab Heshu- *primi homi-*  
sio aliisque tribuitur, se statuere, Diabolum esse creatorem, *nis anima à*  
& formare homines in utero materno, diabolicam calumni- *Diabolo non*  
am esse conqueritur. Fatetur enim cum suis asseclis, Deum *creata,*  
verum hominem in utero materno, claris dictis id conte-  
stantibus Ps. CXXXIX, 14. CXXVII, 3. Act. XVII, 24. Job. X, 3. for-  
mare. Quod verò attinet primi hominis animam, ait *Illyricus, tamen trans-*  
istam à DEO creatam, à Diabolo tantum transformatam esse. *formata sit,*  
Nec, inquit, in *Clav. p. 498. est magna potentia aut artis, optimam-*  
substantiam corrumpere, & ex eâ malam facere. Innumera artes  
sunt, quæ ex aliis substantiis alias faciunt, ut ex luto lateras aut testas,  
ex aliâ misurâ vitrum: quin etiam ancille ex lacte faciunt varias sub-  
stantias casei, feri, recoctâ, butyri & aliorum innumerorum lacticini-  
orum, neq; tamen propterea sunt creatrices vel Deæ. Cum aliis ho-  
minibus paulò rem aliter habere arbitratur. Scilicet illos  
non habere ab initio iustitiam debitam, sed formari veterem *Unde & po-*  
Adamum ex alio veteri Adamo, & quidem non à Diabolo, sed *steri, sed à*  
ab ipso DEO: quem eapropter artificii ex patris materiâ rem *Deo sint pro-*  
preparanti comparat. Was aber belanget die inige Erhaltung  
und Formierung in Mutterleib / da formiret Gott diesen ganzen  
alten Adam / samt allen seinem Wesen und angeborenen natür-  
lichen eigenschafften / die sein gut oder böse / sie heißen Sünde o-  
der Tugend / nicht anders / als wenn ein guter köstlicher Meister

aus faulem Holz faule Bilder schnitzet oder machet / scribit  
e. l. in trad. Germ. fol. b. 3.

Respondet ad  
object. 1.

§. 42. Brevissime sic declarata absurdâ *Flacii* sententiâ, quomodo his argumenta contra se adducta eliderelaboret, videndum restat. Quod proinde primum concernit, in *Clave* p. 491. respondet, omnino periisse humanam speciem & in contrariam fuisse mutatam, Probat hoc argumento, cuius majorem desumit ex *Aristotele* (doctos enim tales Evangelistas libentius audire, ait) 1. *Polit. c. 2. Opere suo omnia definiuntur & potentia seu viribus. Quare cum non amplius sunt talia, non sunt dicenda eadem, sed equivoca; quemadmodum manus ad apprehendendum inepta, non est manus.* Jam subsumit: Homini vires ad proprium munus, ad quod unum potissimum fuit conditus, planè deesse: esse quidem pulchrum caput (ut est in fabulis) sed deesse ei prorsus cerebrum, nempe facultatem tum DEUM verè cognoscendi, tum ei obediendi. E. ipsum specie diversum esse à primo homine.

Et ad reli-  
quas, in gene-  
re,

§. 43. Deinde in sæpè citato tractatu Germanico pag. g. ad reliqua etiam argumenta respondere conatur. Et primo omnium generalem præmittit responsionem, dicitque, ea sibi non adversari, cum illa loquantur de homine physico & naturali, seu totâ hominis substantiâ cum corpore & animâ, omnibusque ejus viribus; se verò per hominem intelligere tantum animam, ejusque vires præcipuas, ut supra etiam traditum. Deinde etiam ad singula in specie ibi & in *Clave* aliquid respondet: ex quibus notabilia adducemus.

Deinde in  
specie ad 2.

§. 44. Ad II. Respondet 1. negando, quod omnis substantia sit à DEO, quia etiam vetus Adam, filius Diaboli, genimen serpentis, cor lapideum, corpus peccati, caro concupiscens contra Spiritum sit substantia, non tamen à DEO. 2. limitando: omnem scil. substantiam à DEO esse originariè, initialiter, ratione primæ creationis & conservationis, non verò ratione transformationis. Priori itaque modo etiam peccatum originis à DEO esse, non posteriori. Ad III. Resp. illum esse creatorem, qui ex nihilo aliquid producit ac fabricat, non qui aliquid transformat, alioquin etiam ancillas creatrices fore, quæ res transmutare possunt, ut supra dictum.

Quia

Quia igitur nec malum à DEO conditum, nec Diabolum malum creare asserit, Manichæismi se falso accusari, passim con-  
queritur. Ad IV. Resp. Christum veram adsumsisse huma-  
nitatem, non tamen nostram, sed primi hominis substantiam per  
omnia similem, à nostrâ verò, si ea Theologicè spectetur, essen-  
tialiter diversam. Ad V. VI. VII. Resp. ut suprà, se non in-  
telligere totum individuum, sed loqui de animâ in summo  
suo gradu, qui dicatur liberum arbitrium, quatenus quidem,  
ex bonâ arbore & DEI imagine in arborem hanc malam ve-  
teris Adami transmutata sit. Ad VIII. Resp. eadem confun-  
di, quæ in præced. Ita verò se rem habere cum bonis operi-  
bus. DEum querere primum Adamum, ejusque fructus, re-  
perire autem transformatum, ideò velle, ut iterum is trans-  
formetur in pristinam formam, ut possit bonos ferre fructus.  
Ad IX. Eum non esse Christianum, qui non quotidie oret DE-  
um, ut præsentem corruptam substantiam tollat. Ad X. Om-  
ninò per baptismum tolli & deleri corruptam substantiam,  
Rom. VI. Ad XI. & XII. veteris Adami & corruptæ substan-  
tiæ remissionem omninò acquirendam esse, sineque eâ salu-  
tem non sperandam. Absurdior adhuc est *Christophorus Jre-*  
*neus*, qui contendit, 1. DEum peccato originis propitium  
esse. 2. DEum peccatum in gratiam recipere. 3. Christum re-  
demisse peccatum O. 4. Spiritum S. id sanctificare, idque pro-  
inde baptizari & salvari: teste *Hüttero c. l. p. 41.* Quæ horren-  
da dogmata recensuisse, sit refutasse.

§. 45. Vidimus hætenus absurda ex perverso *Illyrici*  
*cerebro*, velut heroes ex equo Troiano, catervatim profilien-  
tia, ita ut à quo refutando, initium faciendum sit, ferè non ap-  
pareat. Confirmat is suo magno cum malo, quod dicit *Ari-*  
*stoteles l. 1. Phys. c. 3. t. 22. ἐνός ἀπ' αὐτοῦ δόξαντες, πολλὰ συμβαίνει,*  
Admisso enim, Peccatum originis esse substantiam, plurima  
absurda enata sunt, quæ si non omnia, plura tamen & po-  
tiora producemus.

§. 46. Et primò quidem falsum est, aliquod ens for-  
maliter peccatum esse, ut suprà probavimus. Fluit inde sta-  
tim, peccatum originis, & malum istud nobiscum natum, esse  
à nostrâ substantiâ diversum. Inde etiam Scriptura S. idem  
non

4.

5. 6. 7.

8.

9.

10.

11. 12.

Ex his que-  
dam absurda  
eruantur

I.



non uno in loco innuit, dum peccatum istud vocat κακὸν πη-  
 γακείμενον, Rom. VII. 21. ἀμαρτῖαν ἐνοικήσαν, v. 17. ἐνπερίστατον,  
 Ebr. XII, 1. i. e. malum adjunctum, peccatum inhabitans & tenaci-  
 ter inherens. Quicquid autem substantiæ humanæ adjunctum  
 est, eam inhabitat, & ei tenaciter adhæret, id ipsum ab eâ rea-  
 liter distinguitur.

II.

§. 47. Falsum deinde est, hominem aliam in Theolo-  
 giâ, aliam in Philosophiâ essentiam ac definitionem habere.  
 Extra controversiam quidem est, unam eandemque rem di-  
 versorum habituum objectum fieri posse, diversam autem  
 considerationem diversam essentiam ac definitionem reddere,  
 absonum est. Aliàs enim hominis definitionum ferè non esset  
 numerus, cum is in multis disciplinis consideretur. Patet  
 id clarè, si modò, quid essentia sit, ante oculos ponatur. Ea  
 videlicet includit omnia, quæ in aliquo primò concipiuntur,  
 seu omnes primos rei conceptus. Jam autem hi non mutan-  
 tur ac variantur per diversam considerationem rei, sed ille  
 conceptus, qui in re aliquâ primus est, talis semper manet: i-  
 deò etiam essentia rei per diversam objectivitatem, ut sic lo-  
 quar, non mutatur. Absurdum proinde maximum est, quòd  
 ait *Illyricus*, hominem aliam essentiam habere, si philo-  
 sophicè, aliam si theologicè consideretur. Philosophia enim aut  
 suppeditat omnia prædicata hominis prima, aut non. Si il-  
 lud; homo non nanciscitur aliam essentiam, si in forum Theo-  
 logicum citatur, quia jamdum habet omnia prædicata pri-  
 ma, & nullum aliud, quod essentiam ingrediatur, acquirit.  
 Sin hoc; Philosophia planè non novit humanam essentiam  
 (cum ad essentiæ cognitionem omnium conceptuum primo-  
 rum cognitio requiratur), adeòque falsum est, hominem ali-  
 am essentiam habere, si spectetur theologicè, aliam si philo-  
 sophicè.

III.

§. 48. Sine ratione quoque conficta est distinctio in-  
 ter substantiam hominis materialem & formalem. Si qui-  
 dem per eam materia, per hanc forma physica intelligeretur,  
 tolerari posset; verum quia *Flacius* nomine materialis intelli-  
 git materiam & formam, formalis autem substantiæ nomine  
 vires animæ rationalis, rejicitur meritò. Vis enim & virtus  
 agendi,

agendi diversique rei alicujus usus non statim faciunt substantiā, sicut vitrum ad diversos usus accommodatum eandem substantiam retinet; idē ex eo solo, quod homo tali vel tali agendi virtute pollet, illi non statim nova substantia adscribenda venit.

§. 49. Absurdum porro est, quod *Flacius*, animam in summo suo gradu, ut loquitur, substantialiter transformam esse, adserit. Posse quidem substantiam in aliam essentialiter diversam transmutari, idque non semper magnum laborem requirere, naturæ peritus non negat: id tamen fieri non potest, nisi ubi substantia *composita* est. Ubi verò simplex & immaterialis est entitas, ibi transmutatio substantialis nec cogitari quidem potest, sed sola annihilatio locum habet. Substantialis enim transmutatio presupponit diversas partes, quarum, unā sublata, alia succedat; sicut quando ex caeco fit vermis, illius forma perit, eiq; forma vermis succedit in materiā: immaterialis autem substantia, qualis est anima, partium experta est, communi omnium consensu.

§. 50. Absurdum & id est, unum individuum diversæ speciei esse, cum diversas species reipsa diversa individua requirere, sit innotæ veritatis. Ejusdē farinæ est, animā substantialiter mutatā, eandem manere personam, idem individuum Verum quidem est, diversitatem materiæ non mutare compositi identitatem, ut probant exempla §. 40. mutari tamen individuum, ubi non manserit eadem forma, nōrunt & accurate probant Philosophi, præprimis in doctrinā de augmentatione, qui consulantur. Impium tandem est, quod asserit *Flacius*, DEUM artificii similem omnia in hominē, & mala quidem ex malā formare materiā. Quomodo enim DEUM peccati causam esse, clariùs dici posset?

§. 51. Paucis hisce circa *Flacianæ* mentis explicationem prænotatis, ejusdem quoque responsa discutienda restant. Quod itaque ad 1. respondendū, ut habetur in §. 42. infelix ille Prometheus nova fingit monstra, novamque post lapsum humanam speciem ortam esse, merum est somnium. Neque in Philosophi verbis invenit præsidium, utpote qui de instrumentis loquitur; de quibus etiam vera sunt, quæ

IV.

V.

VI.

VII.

*Flacii responsa examinanda*

ex eo citat ; hominem verò secundum se spectatum instru-  
mentum esse, nemo dixerit, nec *Flacius* ipse, nisi mente planè  
captus, affirmaverit.

§. 52. Quod ea concernit, quæ in §. 43 habentur,  
dicimus, verum quidem esse, quòd Orthodoxi vocem homi-  
nis ac essentia humanæ non sumant ineptè pro quâdam ejus-  
dem particulâ, quod *Flacius* se facere clamat ; quo tamen  
non obstante, directè eum petunt, ac ventum nequaquam  
percutiunt. Nam eorum probationes non loquuntur,  
de toto hominè collectivè sumto : quomodo sanè ipsi quid  
convenire potest, quod animæ ejus non competit, sicut v.g.  
homo mortalis est, anima rationalis non item. Eo verò  
omnes tendunt, ut probent, aliquid convenire toti homini,  
distributivè loquendo, & secundum omnes partes, vel saltem  
secundum quid & ratione partis præcipuæ, nempe animæ ;  
quod tamen de originali peccato dici non queat ; adeoque  
nec totam hominis essentiam, nec præcipuam illius partem  
peccatum esse, evincunt.

§. 53. Responsio ad II. in §. 44. inepta est. Nam  
1. vetus Adam, cor lapideum & similia non substantiam, sed  
subjectum cum vitiositate notant. Suntque à DEO non ratio-  
ne adhærentis malitiæ, sed ratione tantum substantiæ. 2. Su-  
prà dictum, omne ens à DEO esse, vel ut causâ particulari,  
vel ut universali, nec posse creaturam aliquid, nisi cooperante  
DEO, transformare. 3. Si adseritur, DEum conservare pec-  
catum, ipse vitii accusatur, malique causa pronunciatur. Est  
enim conservatio continuata quasi creatio. fitque continuo  
influxu in perpetuitatem rei alicujus agendo, uti vult rece-  
ptior sententia. Si ergò DEus peccatum conservat, causali-  
tatem veram in id exercet.

§. 54. Quod ad III. respondet, facile eliditur. Trans-  
formatio enim animæ substantialis Flaciana impossibilis est :  
ideò, qui docet, peccatum esse substantiam hominis, adeo-  
que ab animâ rationali non distinctum realiter, is non potest  
aliter, quàm admittere, peccatum ex nihilo creari à DEO, vel  
*Illum Mani-* à Diabolo, quod Manichæum. Quia itaque *Flacius* id fa-

cit, nihil causæ habet, cur sibi nomen Manichæi injustè tribui, conqueratur. Pertinent huc verba *Schlusselfburg. c. l. p. posse, evincit*  
 §6. Quando illos, inquit ipse, qui perperam de peccato sentiunt, Manichæismi accusamus, tum non omnium & singulorum errorum Manichæi illos accusamus; sed similitudinem tantum dogmatum cum Manichæis convenientium quoad doctrinam de peccato originis illis non immeritò objicimus. Deinde in ipsâ de peccato originis doctrinâ hoc inter Manichæos veteres & recentiores illos distat, quòd illi quidem peccatum, ejusq; autorem coeternum faciebant DEo, neque concedebant, peccatum ex transgressione ortum esse, quorum neutrum nostri videri volunt affirmare. Sed sunt tamen nonnulla, in quibus vel apertam cum Manichæis societatem deprehendas, vel ea saltem animadvertas, quibus concessis, Manichæa deliria refutari amplius haut possint. Plura habet *ibid. & pag. 154. Johannes item Papæ Epist. Histor. Ecclesiast. p. 264. & alii.*

§. 55. Reliquæ tandem responsiones ex proprio Flacii cerebro oriundæ, sineque ratione & fundamento excogitatæ, nunc omnes corruunt, nec ut singulis suum applicemus cuneum, opus est. Id verò adhuc restat, ut potiores rationes, quibus Flacius errorem suum probare conatus est, consideremus. Earum ultra centum & sexaginta collegit *Schlusselfburg.* nos tamen paucas, præcipuas scilicet, ex quarum solutione reliquæ facile solvi possunt, adferemus.

§. 56. I. Si malum nostrum adamantinum cor est substantia, sequitur quod etiam peccatum originis sit substantia. Prius est verum, E. & posterius. Minorem pro certâ habet; major verò probatur, quia cor nostrum pravum, seu anima (pro quâ juxta Flacium *Clav. c. p. pag. 482.* cor ponitur, quia in eo anima habitare censetur) est ipsum peccatum originis: id quod diversis, his inter alia probat argumentis; (1.) Quicquid est illud malum, ex quo proveniunt omnia peccata actualia, id, teste Paulo & Eruditis, est peccatum originis. Sed malum nostrum adamantinum cor, thesaurus & origo omnis actualis mali est. E. (2.) Quicquid DEus prohibet, peccatum est. Jam autem DEus non solum fructus malos, sed & arborem malam, cor nempe, seu animam prohibet. E. (3.)

Flacii fundamentum  
I.

α.

β.

γ.

- Quicquid DEus increpat & odio habet, peccatum est. Sed cor lapideum, animum perversum, veterem Adamum & malam carnem DEus increpat & odio habet. E. (4.) Id jam est pessimum malum, quod initio perfectæ naturæ thesaurus & bonum optimum fuit. Id verò est ille spiritus vitæ, quem DEUS inspiravit corpori Adami, Diabolus transformavit in spiritum spiritualis & æternæ mortis. E. (5.) Ad quod destruendum Filius DEI in mundum venit, id peccatum est. Sed Filius Dei venit etiam, ut nos regenerando, veterem Adamum & cor lapideum erueret & novum hominem & cor spirituale in nobis crearet. E. vetus Adam & cor lapideum sunt opus Diaboli & peccatum. (6.) Quicquid repugnat divine legi, peccatum est. Cor nostrum malum repugnat divinæ legi. E. peccatum est.
- II. S. 57. II. Non renati dicuntur filii Diaboli, Zizania Diabolica, ejus mandatis morem gerentia, &c. E. formam malam habent à Diabolo, quæ est peccatum. III. Imago opposita divinæ imagini est peccatum originis. Ea verò non est accidens, sed substantia. Adam enim non solum secundum accidentia, sed etiam secundum substantiam sibi similes generavit filios. E. peccatum originis est substantia. IV. *Paulus* dicit, Filium DEI (non ejusdem accidentia) factum esse peccatum. Prorsus autem sicut ipse *imputative*, ita nos *realiter* sumus peccatum. Jam autem is secundum substantiam suam est factus peccatum. E. & nos secundum substantiam nostram peccatum sumus. V. Si peccatum originis est tantum accidens, injustus esset DEus, si totum hominem propter id perderet & abjiceret. VI. Communis omnium Ecclesiarum sententia est, substantiam hominis non tantum lauciatam, læsam ac debilitatam, sed etiam prorsus corruptam & inversam esse, velut caninus: *Durch Adams fall ist ganz verderbt* &c. E. peccatum originis est substantia; quia corruptio est substantiæ abolitio & novæ productio. VII. Si peccatum originis est tantum accidens, non substantia corrupta, sequitur non ipsam substantiam hominis corruptam & DEO inimicam factam esse, sed tantum ejus accidens, quod

quod absurdum. VIII. Si illa originalis pestis, aut lerna malorum non est substantia hominis, sequetur .i. hominis actiones sanas esse, quia proveniunt potissimum ab anima rationali & appetitiva; quas omnes docti dicunt substantiam hominis. 2. peccatum O. esset otiosum, quia actiones ab anima, non ab accidentibus ejusdem proveniunt. IX. Quicquid non potest a substantia separari, ab ea non differt realiter. Peccatum O. non potest a substantia humana separari. E. &c. Hæ sunt rationes prægnantiores, quas passim urget *Elacius*.

VIII.

XI.

§. 58. Suam tandem causam etiam autoritatibus, præprimis *B. Lutheri*, bonam reddere studet; cuius dicta plurima collegit, & in diversis scriptis edidit; quorum nonnulla adscribemus. Dicit Vir B. in *Festo Circumcisionis*: *Morbus qui refecandus est, in nullis operibus, sed in ipsa natura caret, itaque substantia hominis corrupta est: ut peccatum sit hominis origo, ac quicquid in eo est: atque hoc peccatum illud originale, vel potius natura & totius hominis peccatum est: quod si non esset, neque aliquid actuale (quod vocant) peccatum committeretur. Hoc peccati non committitur: ut omnia alia peccata, sed per se existit, vivit ac facit omnia peccata: estque peccatum substantiale, quod non ad horam aut tempus aliquod peccat, sed quamdiu homo est, ipsum quoque durat peccando. &c. Item: Alterum est peccatum essentialiale, natale, originale, alienum, de quo Ps 51. item Christus: non potest arbor mala bonos facere fructus. Item: peccatum est hoc totum, quod natum est ex patre & matre. i. Tom. fol. 29. Siehe! so war ich! daß ich für dir ein Sünder bin/daß auch Sünde meine Natur/mein anhebendes Wesen/und mein empfangniß ist / schweige dann die Wort/Werck und Gedancken/vnd nachfolgend Leben, Hæc & alia plurima ex *Luthero* congestit *Elacius*, iisdemque, suam ipsius *Lutheri* sententiam esse, probare laboravit. Ejusdem erroris B. Virum accusat *Bellarminus* l. 5. de amiss. grat. c. 1. & *Schmalzius* in refut. disp. 2. D. *Frantz*. pag. 2. ut citat B. *Gerhard*. disp. Isag. 24. §. penult.*

*Lutheri dicta*

§. 59. Verum hæc non sunt adamantina ac insolubilia. Quod enim primum concernit, i. negamus minorem. Diximus enim supra, cor adamantinum & veterem Adamum esse ens per accidens, & præter substantiam etiam pravitatem

*Resp. ad I.*

involvere. 2. falsa etiam est major, cum probatione: quia peccatum & malum illud nobiscum natum non est ipsum cor adamantinum, sed aliquid substantiæ nostræ adhærens, quod paulò post fusiùs declarabitur.

*ejusd. prosyllo-  
gismum*

1.

§. 60. Ad prosyllogismum primum Resp. 1. majorem negando. Totus enim homo corruptus est tale malum, ex quo omnia peccata actualia oriuntur, qui tamen ipso Flacio concedente, peccatum non est. 2. Limitamus ergò eandem ex Paulo Rom. VII. hoc modo: Quicquid est illud malum nobis inhabitans, ex quo proveniunt omnia peccata actualia, id est peccatum originis. Sic eâ concessâ, relegatur minor: quia anima corrupta quatenus est substantia, nobis non inhabitat, sed est pars essentiæ humanæ. 3. Alii ita limitant majorem: Quicquid per se & ex se efficit omne actuale peccatum &c. Sic iterum negatur minor, quia cor & anima corrupta non ex se & quatenus substantia, sed ob malum inhabitans actualium peccatorum causa est. 4. Vel etiam ita limitant majorem: Quicquid immediatè efficit peccata actualia, id est peccatum originis: jam autem cor non immediatè & per suam substantiam, sed mediatè, καὶ ἀλλοῦ, ob corruptionem scil. originalem, peccati causa est. Possumus etiam paulò aliis terminis uti, & dicere, animam esse principium quod, peccatum adhærens principium quo peccatorum actualium: quæ tamen doctrinâ ulteriori explicatione indiget. Quando videlicet & animæ & peccato originali tribuitur, quòd peccata actualia efficiat, non est putandum, peccatum originis esse causam eorum efficientem propriè loquendo. Qui enim privatio realem præstabit in aliquid influxum? Quemadmodum scil. privatio propriè non inest in subjecto, in eo aliquid ponendo, sed impropriè, & ut Philosophi loquuntur, *remotivè*, per hoc scil. quod aliquid abest à subjecto; velut cœcitas non est reverà & propriè loquendo in animali, dicitur verò inesse impropriè, & per hoc, quod potentia videndi non inest: ita etiam res habet in præsentì. Peccatum originis dicitur fons & origo peccatorum actualium, non eo sensu, acsi reverà aliquid efficiat, sed per hoc, quòd aliquid

quid à subjecto tollit ac removet, quod bonas actiones causare posset, & quo absente, potentia naturalis non nisi malum operari valet. Anima verò ipsa est causa efficiens propriè dicta actualium peccatorum, quæ sibi relicta ob naturalem naturam non nisi malè operari apta nata est.

2.

§. 61. Alterum nunc aggredimur prosyllogisum, in quo 1. iterum negamus majorem, si ita ea intelligatur: Quicquid Deus prohibet, id *secundum se totum* peccatum est. Nam actiones malas Deus prohibet, quæ tamen non sunt peccata secundum se totas, sed ratione subjecti, quid positivum. 2. Eam proinde limitamus ita: Quicquid Deus prohibet, id *vel secundum se totum, vel secundum quid* peccatum est. Sic ea vera est, & vera inde nascitur conclusio: cor malum vel secundum se totum, vel secundum quid peccatum est. Scilicet non ratione substantiæ, sed ratione adhaerentis malitiæ.

§. 62. In tertio major iterum vacillat. Deus sanè primos nostros parentes increpabat, quorum tamen substantia non erat peccatum, etiam *Flacio* concedente, qui nobilissimam tantum animæ partem transmutatam, non autem totum individuum peccatum esse, contendit. Eam verò ita limitamus: Quicquid Deus increpat, & odio habet, id peccatum est *vel peccato infectum, vel etiam mortis aeterna reum*: & sic totum concedimus argumentum.

3.

§. 63. In quarto 1. negamus majorem. Diversissima sunt bonum illud optimum, quod perdidimus, & malum connatum, quod miseri possidemus. 2. falsa etiam est minor. Id sanè optimum, quod faciebat, ut placeremus Deo, non erat ipsa anima, utpote quæ post lapsum in suâ essentiâ mansit integra; sed justitia originalis, Satanæ fraude deperdita.

4.

§. 64. In quinto 1. major falsa est absolutè intellecta. Limitamus verò eam ita. Ad quod destruendum in mundum venit Christus, id peccatum est, *si non secundum se totum, tamen secundum quid*. Eo modo & conclusio intellecta non est absurda, ut patet. 2. Circa minorem monendum, quod veteris Adami seu substantiæ corruptæ deletio substantialis, novæque productio

5.



productio nec ex *Psalm. 51.* nec aliunde probari possit. Cor novum igitur potest considerari vel *materialiter* ut cor est, vel *formaliter*, ut novum est. David non rogat, ut accipiat cor secundum substantiam novum, sed loquitur de corde novo formaliter accepto, & ut novum est, utque id, quod jam ante habebat, innovetur, petit. Istam verò actionem vocat creationem, propter convenientiam cum verâ creatione, quia sc. est opus solius Dei.

6. §. 65. In sexto i. falsa est major. Neque enim ea est Apostoli i. *Joh. III, 4.* cujus verba sunt: *peccatum est avoia seu illegalitas*, ex quibus si aliquid colligere licet, hoc sequitur: quicquid est illegalitas, id est peccatum; non autem: Quicquid non est conforme legi divinæ, peccatum est. 2. Limitari tamen potest major ita: Quicquid repugnat legi divinæ *per se & immediate*, illud est peccatum: sic relegatur minor, quia cor non per se & immediate, & secundum substantiam suam, sed mediante peccato divinæ legi repugnat.

Ad II.

§. 66. Nunc etiam ad reliquas rationes progredimur. Ad secundam dicimus, conclusionem dupliciter posse intelligi, vel ut forma sumatur pro formâ substantiali, ut in physicis accipi solet; vel ut capiatur pro formâ denominante. Si hoc, concedimus totum argumentum, cum etiam privatio formæ denominantis munus subire possit. Si verò intelligatur forma substantialis, nulla est consequentia. Hoc enim est *νομιναται*: an quis filius diaboli dicatur per formam substantialem, an verò malitia & bonitatis privatio hanc denominationem largiatur? Quorum posterius nos adserimus.

Ad III.

§. 67. Ad III. Resp. Imaginem divinam generaliter etiam sumendo non consistere tantum in conformitate qualitatum cum Deo, sed etiam in essentia similitudine, v. g. quod animus hominis immortalis, atque intellectu & voluntate præditus est. Unde, quia essentia hominis post lapsum non deleta & abolita est, mansit etiam particula divinæ imaginis, Hanc ob causam homo etiam post lapsum secundum imaginem Dei creatus dicitur, *Gen. IX, 6. Jacob. III, 9.* Amissæ verò sunt

sunt istæ qualitates, quarum intuitu etiam homo secundum imaginem Dei creatus dicitur, v. g. lumen supernaturale, iustitia & sanctitas appetitui concreata: quæ specialiter DEI imago dicuntur. Quibus præmissis, concedimus, quod Adam generaverit filios substantiâ & malitiâ naturali sibi similes; negamus autem, omne id, secundum quod similes sunt Adamo, esse Satanæ imaginem, cum & divinæ particula auræ & ita aliquid divinæ imaginis remanserit, si scilicet imago divina, in latâ & generali sumatur significatione. Quod si, verò ea, strictè & specialiter sumatur pro ornamentis accidentariis, quemadmodum usitatè sumitur, illam periisse largimur, illiq; successisse Satanæ imaginem: hominis tamen substantiam in Satanæ imaginem transformata esse, negamus.

§. 68. Quod attinet locum Pauli 2. Cor. V, 21. *Eum qui non novit peccatum, pro nobis peccatum fecit*; diversimodè istum explicant Theologi. Communis explicatio est, quâ peccatum dicitur sumi pro *lurew* seu hostiâ pro peccato, ut sensus sit, ipsum esse factum hostiam pro nostro peccato, quemadmodum Eundem Gal. III, 13. maledictionem factum dici autumant, quia suâ passione & morte maledictionem & pœnam peccati expiavit. Hæc explicatio si retineatur, ex isto loco nihil adversum nos colligi possit, patet. Flacius tamen in *Clav. part. I. in voce Peccatum column. m. 1144.* putat contextui convenientius esse, si *to factus peccatum*, explicetur per *reum peccati* factum, ita ut sensus sit: qui sibi peccati non erat conscius, eum Deus per imputationem fecit peccati reum. Verum nec ista explicatio nobis adversatur. Si enim peccatum, non pro illegalitate, sed pro peccatore & reo peccati sumatur, inde non sequitur, hominem secundum substantiam suam peccatum esse; sed si quiequam, hoc potest colligi; quod etiam homo non secundum accidentia, sed secundum se sit peccator & peccati reus: quod nobis non adversatur.

§. 69. Quintum argumentum blasphemum est. Adulterium enim Davidis non erat substantia, sed accidens, prædicabile sc. & privativum, & tamen iustissimo DEI iudicio non solum atrociter punisum est, sed etiam meruisset in æternum abjici, nisi David per

E

pœniten-

Ad IV.

Ad V.

poenitentiam remissionem impetrasset. Sic motus Adæ pravus & inobedientia non erat substantia, nec tamen DEUS, propterea protoplastos cum posteris puniens, injustus est.

*Ad VI.* §. 70. Ad sextum dicimus, non aliam in homine concedi corruptionem, quam eam, quam sacra indicat & testatur pagina. Ea verò non substantialem sed accidentalem tantum monstrat, & docet, hominem non ratione substantiæ interijisse, sed tantum accidentaliter corruptum esse, & justitiam ac sanctitatem amisisse: ideò nec nos aliam admittimus corruptionem. In septimo nulla est consequentia. Posse enim aliquem ob id, quod substantia non est, Deo inimicum reddi, ex §. 69. clarum est.

*Ad VII.* §. 71. In octavo etiam nulla est consequentia. Non sequitur, si peccatum originis non est substantia, actiones hominis sanas esse: ratio est, quia non proveniunt ab animâ purâ & viribus bonis præditâ, sed ab animâ impurâ, & omnibus bene agendi viribus privatâ: ideò etiam non possunt esse bonæ. 2. Nec sequitur, peccatum esse otiosum. Si quidem otiosum id dicatur, quod nihil reverâ efficit, peccatum originis otiosum est: si tamen id non est otiosum, per quod fit, quo minus bonæ actiones, crebrò autem malæ exerantur, peccatum originis in otio nequaquam degit, sed satis se exerit, eo sc. modo, quo suprà explicavimus §. 60.

*Ad VIII.* §. 72. In nono falsa est minor. Licet enim humana substantia per naturæ vires non possit liberari à congenito malo, quin tamen divinâ possit potentia, indubium est. Imò tam beatis tandem omnibus piis esse licebit, ut resuscitati & à malo quovis liberati omne quod justâ Dei irâ ademptum est, imò longè majora, ejusdem misericordiâ in pace & quiete possideant.

*De Lutheri sententiâ* §. 73. Dissipatis nunc per Dei gratiam Flacii nebulis, quid de *Luthero* sentiendum, & an ille cum Pontificiis & Photinianis hæreseos reus habendus sit, dicendum restat. Ipsum itaque ab impiâ *Illyrici* sententiâ fuisse alienissimum, clarissima ejus dicta, quorû non nulla adducemus, contestantur. Expressè enim in *com. in Gen. c. 3.* ait: *Manet natura, sed multis modis corrupta, manent in naturâ membra eadem, sed quæ antea nuda cum gloriâ conspiciantur, nunc tanquam impia & inhonesta velantur.* In *c. 4.* dicit: *Spiri-*

*Spirituales homines distinguere debent inter peccatū originis & creaturam. Tom. 6. Germ. 7. p. 260* Teo, inquit, non est natura inimicus: sed docet, se ei venturum in auxilium: decrevit enim vindicare Eum, tanquam proprium suum hostem, qui opus suum inquinavit & corripit. Item super Evang. Dom. Judic. das Herr seines Wesens halben ist gut; aber den Brauch nach böß und vom Teufel. Ex quibus tam clarū est, ac sol lucet in meridie, cum sudum est, B. Virum peccatum originale ab ipsā naturā distinxisse, nec Flaciani erroris consortem fuisse.

§. 74. Ut verò, quid de locis §. 58. adductis & similibus sit sentiendum, paucis declaremus, fatendum omnino est, B. Virum *anagloyan* in suis locutionibus adhibere, sæpèquē durè loqui ad peccatum originis, quod Pontificii, cū quib. eidem res erat, extenuabant, exaggerandū. Iste tamē ab his locutionib. abstinuisset sine dubio, & mentē suā clariùs proposuisset, si prævidisset, fore, ut nonnulli tam absurde de peccato originali sentirent, dictisque suis abuterentur. Mens enim ejus, ut patuit, omninò sana est.

§. 75. Quando itaque Vir B. i. peccatum originis naturale & dictis *agi-* appellat, *naturale* non sumit pro eo, quod est essenziale con-tur. stitutivè vel consecutivè, sed pro eo, quod nobiscum nascitur; quomodo lapidi gravitatem naturalem esse dicimus: imitatus Paulum *Eph. 11, 3.* ubi nōs *naturā* filios iræ pronunciat. 2. Idem dicendum de eā locutione, quā peccatum nostrum substantiale seu essenziale vocat, quemadmodum se ipse explicat *Tom. 1. Lar. Jen. citante Schlüsselb. p. 101.* Scil. ita appellat peccatum originis, non quod per se sit substantia seu essentia, sed quod una cum essentiā propagetur per nativitatem, nec aliquando transeat, ut actualia peccata, item quod totam essentiam corrumpat &c. & addit, sibi nihil rei esse cum Logicis, cū peccatum substantiale vocat. Eodem modò B. Virum intelligendum esse, dum peccatum hominis essentiam esse, docet, indubium est. 3. Dum hominem imaginem Satanæ, item peccatum appellat, est locutio metonymica, poniturque abstractum pro concreto, adjunctum pro subjecto. Vocatur

**Epilogus.**

igitur *imago Satanae* ad indicium  
peccato Diabolum repræsen-  
fectus &c corruptus. His  
sufficiant. Et sic, divino auxi-  
stitisse, vivisque coloribus  
stat, quàm ut, si qua ob in-  
Lectorem veniam petam,  
concessis debitas persolvam.  
lit iste Ecclesiæ naviculam  
dibriis divexatam, protinus  
servare, nosque tandem  
hâc miseriarum & periculi  
tum omnis misericordiam  
clementiam.

F



ad indicandum, quod homo pravitate &  
repraesentet; *peccatum*, quia est peccato in-  
us. Hæc pro *Megalandra Luthero* adducta  
ino auxilio, errorem *Flacii* in verò suo vultu  
loribus depinxisse videor; nihil nunc re-  
ua ob ingenii tenuitatem lapsus fuero, B.  
petam, Deoque supplici mente pro viribus  
persolvam grates, devoto addito voto, ve-  
niculam, variis ventorum turbinibus & lu-  
, protegerẽ, in unitate & puritate fidei  
e tandem omnes vitæ hujus saturos ex  
um & peccatorum valle ad se in cœ-  
nnis mali & maculæ purum,  
clementissimè recipere.

F I N I S.

